

第十六冊

卷十六上

歷代貢舉徵辟表上

新纂雲南通志

盧漢題

纂



新纂雲南通志

卷之四

新纂雲南通志

新纂雲南通志

盧漢

漢

通

卷之四

新纂雲南通志

卷之四

新纂雲南通志卷十六目錄

歷代貢舉徵辟表

元文進士表

明文進士表

明武進士表

清文進士表

清武進士表

明文舉人表

清文舉人表

明武舉人表

清武舉人表

歷代徵辟表

欽賜進士表

欽賜舉人表

清代特科表

考取法官表

國內外留學生表

國文進士表

國文舉人表

國文進士表

國文舉人表

國文進士表十六日續

新纂雲南通志卷十六

歷代貢舉徵辟表

虞書詢事考言爲選舉所自始厥後取士之法代有因革至明清而大備滇南自元仁宗皇慶二年冬十月甲辰始行科舉詔天下以皇慶三年八月天下郡縣興其賢者能者充貢有司次年二月會試京師又選舉志選合格者三百人赴會試於內取中選者一百人內蒙古色目漢人南人分卷各二十五人蒙古人取合格者七十五人雲南一人色目人取合格者七十五人雲南二人漢人取合格者七十五人雲南二人洪熙元年奏准會試取士臨期請旨不過百名南卷取十之六北卷取十之四後復以百名爲率南北各退五卷爲中卷雲南爲中卷清順治九年議准壬辰科會試分南北中卷取中中卷

取中十四名雲南爲中卷十二年議准會試中額止須分南北卷雲南歸入北卷康熙十五年議准雲南照順治十二年例暫歸北卷三十年覆准定會試南北中卷內再分左右列雲南爲中左三十四年覆准查會試現行例春秋禮記十六名取中進士一名但邊省習孤經省少人數恐有不足嗣後四川廣西雲南貴州四省春秋禮記二孤經若應試人多仍照現行之例人少則合四省總算二孤經照數分中若人不足則合二孤經擇其文佳者取中一名三十八年議准會試南北卷內不必細分左右將雲南去中卷名色每科定爲雲字號額中三名三十九年遵旨議定雲南會試官卷額少不必另編官字號又會試恩詔加雲南中額二名又議准雲南編列雲字號卷數甚少易察關節嗣後編入南卷內照現行例取中五十一年量增雲

南會試中額一名奉諭旨趙申喬題請雲南貴州廣西三省中額量增數目今覆試中式進士可令趙申喬將所取三省備卷舉人亦帶來考試五十二年奉諭旨近見直隸各省考取進士額數或一省偏多或一省偏少皆因南北卷中未經分別省分故取中人數甚屬不均今文教廣敷士子俱鼓勵勤學各省赴試之人倍多於昔貧士自遠方跋涉赴試至京每限於額多至遺漏朕深爲軫念自今以後考取進士額數不必預定俟天下會試之人齊集京師著該部將各省應試到部舉人實數查明預行奏聞朕計省之大小人之多寡按省酌定取中進士額數考取之時就本省卷內擇其佳者照所定之數取中五十二年定會試額畢三場者二十名內取一名雍正元年按會試遺卷雲南欽取二名二年覆准五經會試原無多人分省旣爲

未便混合爲一又恐南北去取偏枯嗣後五經卷照前分南北中之
例雲南爲中卷臨時將完場卷數奏請欽定中額十一年按會試遺
卷雲南欽取二名又諭雲南貴州廣東廣西四川福建六省舉人赴
京會試路途遙遠非近省可比朕意欲於落卷中擇其文尙可觀而
人材可用者添取數人候旨錄用以昭朕格外加恩之意著傳諭主
考官於六省試卷遵旨取中外其次等考取之卷不拘數目秉公選
出俟發榜後朕另派大臣會同主考官驗看人材再加遴選奏聞請
旨再六省落第舉子其願於下科會試者不必報名外若有情願小
就以圖即行錄用者著在禮部報名一併交與派出之大臣主考官
揀選奏聞請旨該部豫行出示曉諭六省舉子知之又諭雲南等六
省選出之卷著彭維新莽鵠立韓光基會同正副主考官將本生傳

齊秉公驗看其中人文二者俱屬可取或有一可取者一一分別開寫奏聞再六省落卷舉子內有情願小就以圖即行錄用者亦著會同驗看將人材可用者秉公選出奏聞欽此遵旨將雲南等六省選出五十卷分別奏聞奉旨此內人文俱屬可取之時餘等十名准其一體殿試其人可取面文稍次之趙純其等著於揀選六省舉人時一併奏聞又將雲南等六省情願小就之舉人奏請帶領引見奉旨今年朕加恩遠省落第舉子特令大臣揀選引見將其中人材可用者交與吏部記名請旨年老者以教職補用此乃格外偶然舉行一次之恩後豈可以爲例恐各省年老舉人本不欲會試者見此次恩旨於下次勉強赴試希圖得官空多往還著該部傳旨諭令知之乾隆元年諭雲南貴州廣東廣西四川福建六省舉人赴京應試未經

中試者著照雍正十一年之例揀選奏聞請旨二年議准此次會試之後遵照雍正五年之例揀選下第舉人文理明通者大省四十人
中省三十人小省二十人引見欽定令回本省以學政教諭即用光
緒元年上諭爲政以得人爲首務我朝列聖御極建元均於三年大
比之外特開鄉會恩科廣羅俊彥朕纘承大統宜遵成式嘉惠士林
著於光緒元年舉行鄉試恩科二年舉行會試恩科副朕作育賢才
至意欽此二十四年五月詔廢八股文科舉改試策論以政變旋詔
復二十七年詔自明年爲始鄉會試等均改試策論不準用八股文
程式又命停止武科童試及鄉會試未幾又詔自明年會試後凡入
翰林及以部屬中書用者均令入京師大學堂分門肄業三十一年
詔自丙午科爲始所有鄉會試一律停止各省歲科考試亦即停止

又言學堂本古學校之制其獎勵出身又與科舉無異云至三十三年暨宣統元年舉貢會考中式雖未明定出身然仍內以主事小京官用外以知縣用

題名附進士後

本省亦於三十二年暨宣統元年舉行考職各一次每次均取五十名至鄉試始自元季中書省所定條目鄉試行省一十一日雲南明洪武二十二年始命雲南選貢送應天府鄉試永樂九年始命雲南鄉試是年八月鄉試取二十八人十二年鄉試取二十五人十五年鄉試取五十三人十八年鄉試取三十九人二十一年鄉試取五十一人洪熙元年定取士額數雲南十名宣德二年令貴州就試雲南四年令雲南鄉試增五名

倪蛻演雲歷年傳宣德七年定雲貴鄉試取士十五人雲南十八人

正統二年令開科不拘額數五年復定取士額雲南二十名景泰元年令開科不拘額數是年鄉試雲貴取士三十六人雲南二十四人

四年詔增解額十名是科雲貴取士五十五人雲南三十七人

明昭代典則四年五

月增定各省鄉試取士額數雲南先二十各今增十名

七年二月詔定各布政司鄉試取士額數雲南三十

名成化三年十一月增雲南貴州鄉試額

明會典三年令雲南鄉試復增十名

十年四月令雲

南解額復增五名弘治五年四月巡按雲南御史張泰請開解額議

增五名七年奏准雲南貴州鄉試進呈錄稱雲貴鄉試錄貴州量助

錢糧以備雲南供給又令考官不許聽囑濫請各將舉主職名咨呈

禮部又令雲貴解額共額五名舊雲南通志正德五年增額五名嘉

靖十四年令貴州另自開科其解額雲南四十名貴州二十五名

大政紀十

四年七月初命貴州開鄉舉科先貴州諸生赴試雲南跋涉艱阻至是巡按御史王杏上言乞自開科從之明昭代典則十四年秋八月始雲南貴州各另開科取士國朝設科取士初令廣西附搭廣東貴州附搭雲南後因廣西人材漸多奏准另自開科惟貴州仍附搭雲

南今議貴州雖與雲南接壤而山勢險絕道里遐隔盜賊出沒無常秋夏嵐瘴盛發每科應試生員跋涉衝冒多所殞傷况今文教漸洽遐方絕域人材日盛每科應試之士數踰七百中式錄文五經具備及舉進士科不乏人許令貴州建立科場依期開試雲南鄉試解額

四十名貴州鄉試二十五名

萬歷元年令增雲南解額五名四十三年增額二名自後增

減不常或增一名或仍舊額崇禎十五年增額七名至五十四名清順治二年定各省鄉試解額雲南省中式五十四名又定京省各經中額雲南易經十六名詩經十八名書經十一名春秋五名禮記四名此內春秋禮記二孤經人數若少或不足額仍倣往例看某經卷多則加某經十七年題准各直省鄉試照舊額減半雲南初定首舉鄉試照舊額取中又議准滇省貢院未修學臣未到庚子科鄉試於

十八年補行康熙二年題准雲南鄉試照例減半中二十七名

舊雲南通志外加額

名五八年奉恩詔雲南加中三名內易詩各一名書春秋禮記共一名

十一年議准直省鄉試仍取副榜照舊例外增雲南五名二十年奉恩詔加二十三年鄉試中額雲南三名二十二年補行雲南省辛酉

科鄉試

總督蔡毓榮請補行鄉試疏竊照滇省地方初復亟宜修舉廢墜收拾人心今兩迤之庶民未盡復業而士爲民望惟勸士乃可以得民即一切修舉之中有政體所當先與望所甚切者莫如興賢大典我皇上誕敷文治前此用兵之日猶復

雅意掄才海內儒林爭相鼓舞獨滇南久阻聲教士氣鬱而未抒今既出之沉淪重瞻天日深山窮谷之士莫不引領觀光昨歲辛酉賓興既格於會城未復若復需之下屆甲子同各省一例舉行恐與目前收拾人心修舉廢墜之意殊有未協當此普天同慶而於遐荒新復之尤地宜特沛殊恩伏祈皇上俯念滇人士八載無聞三科未舉准以明年癸亥八月特行鄉試仍照順治十八年辛丑補庚子科之例暫行廣額俾才智之倫競赴功名之會榛蕪之境早開棧樸之光於以黼黻太平風示邊徼誠滇省今日之急務也 三

十五年議准直省鄉試廣額雲南增中十五名其副榜並分經取中

之處均照計算取中

巡撫石文晟請廣中式解額疏為遵方文教大開盛代賓興宜廣乞恩題增解額以溥皇仁以宏雅化事該臣看得滇居天末昔以士子甫離兵燹不暇詩書文教未盛今蒙皇上右文教養

兼摺雲燕豹變實繁有徒邇來入闈應試者數至二千餘人及查中式不過二十七名而止此係國家定制臣何敢冒昧竇請但查禮闈會試卷分南北而南北卷中又將雲南四川分為中左四川取中四十二名雲南取中二十七名同一中左取額懸殊故致生員王思訓等之援情環顧也隨批司道會議茲據布政使于三賢提學道副使張倬等查覆前來臣思人文之繁盛實由聖治之休隆况荷聖恩俞允前督府所請添設學官增加童額則子既已衆多中式亦應稍廣相應請照四川之額每科選取四十二名以勵邊地人材至文武並重久荷皇上一體掄材自宜並請洪恩一例廣額者也臣謹會同雲貴督臣王繼文合詞具題應否俯允伏乞睿鑒勅部議覆施行 三十八年己卯科太和殿告成增

額三名四十二年恩詔四十四年鄉試雲南增中三名四十七年覆

准雲南鄉試於額中四十二名外加中五名五十年遵旨議定直省

中額均於五分內加增一分雲南增中九名其副榜並分經取中之

處均照名數計算永為定例是科廣額三名五經卷額一名五十二

年開萬壽恩科額六十名五十三年諭文武雖分兩途但文內亦有練習武略者武內亦有學問優長者嗣後不拘成例凡文生員舉人願入武場武生武舉願入文場俱准照鄉會試例起送中式者造入新冊不中者仍入文武原冊不准再考六十一年奏准恭奉恩詔於雍正元年特行鄉試並加中額雲南廣額十名雍正元年奏准雲南省因廣額多中副榜二名將末二名裁汰癸卯正科以甲辰二月補行十年加雲南鄉試額九名

光緒續志實加六名舊志誤

十三年十月恩詔鄉試廣額雲

南加十名乾隆元年議准順天鄉試將雲南等省編中冊字號如中冊人數不及十五名仍附入南冊無庸另編字號七年議准文武互試原欲簡拔全材而日久弊生文場則有夾帶傳遞代做諸弊武場則有換卷之弊內簾但憑文取中外簾又查察維艱嗣後將文武鄉

會互試之處永行停止九年議准雲南爲小省准其每舉人一名錄送科舉五十名又遵旨議准直省中額除零數不計外於十分中酌減一分雲南額中五十九名酌減五名十三年諭科舉定額每舉人一名大省錄取八十名小省五十名其途本寬果係真才自不復有遺珠之歎但近來士子因科場剔除舊習頗知自愛有志讀書期以實應又當稍展其額以示鼓舞作興之意前議但就正榜定額尙有副榜未經議及著再加恩每副榜一名大省加取四十名中省加取三十名小省加取二十名令各學政於考試遺才時不論生員貢監亦不拘縣分大小但就文理明通者照數錄送入場此外不許濫送二十年欽奉恩詔丙子年各省鄉試廣額雲南五名二十三年遵旨議定鄉試官卷中額雲南小省以十名取中一名其官卷或有不足

十名定數者仍遵從前不及十卷不編官號之例無庸另編官卷以杜濫取或小省官生至十六名以上計其零數已逾定數之半應照順天鄉試另編皿號之例零數過半者准其計算亦各取中一名其多不及半者不准計算再官卷名數總以現在定額爲限不得於額外取中如官卷不敷照例以民卷補足嘉慶元年恩詔鄉試雲南加額十名道光元年恩詔鄉試雲南加額十名咸豐元年恩詔鄉試雲南加額十名五年雲南加額二名同治元年恩詔鄉試雲南加額十名

名

光緒續志同治元年雲南未曾舉行鄉試嗣於光緒元年乙亥恩科帶補壬戌其廣額十名於同治六年奏准截歸順天鄉試丁卯取中六名庚午取中四名

十二年大婚禮成恩詔鄉

試雲南加額十名光緒元年恩詔鄉試雲南加額十名本年正月兼署雲貴總督巡撫岑毓英奏請將雲南紳民捐輸加永遠中額十名十八日奉旨該部會議經戶部禮部議定改爲加廣一次中額廿名